

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Caput I. Sacerdotis ad celebrandum praeparatio in quo consistat.  
Praemittenda peccatorum confessio. Quaedam obiter de prisco usu  
confessionis. Apologiae, preces praeparatoria, & psalmi. ...

**urn:nbn:de:hbz:466:1-10805**

R E R U M  
LITURGICARUM  
LIBER SECUNDUS.

*Quo singulae Missæ Partes ac ritus singillatim explicantur.*

**D**iscussis in primo libro, ut vires meæ tulerunt, omnibus quæ ad Missam, ejusque originem, progressum, disciplinam, variosque ritus, & apparatum pertinere visa sunt; suscepit operis ratio exigit, ut in hoc secundo singulas ejus partes in ordinem digestas aggrediar, illarumque causas, institutionem, incrementa, mutationes, & si quid in illis abditum, obscurum, & difficile occurrit, ex antiquis monumentis & praxi Ecclesiæ, quantum fieri poterit, seorsum expediam & explanem. Ordior autem à proxima Sacerdotis ad celebrandum præparatione, post quam totum Liturgiæ contextum ab accessu ipsius Sacerdotis ad altare usque ad recessum, Deo opitulante, explicabo.

C A P U T   P R I M U M.

Sacerdotis ad celebrandum præparatio in quo constat. Premittenda peccatorum confessio. Quedam obiter de prisco usu confessionis. Apologie, preces preparatoria, & psalmi. Reconciliatio & pax cum omnibus. Puritas animi. Olim in usu erat noctis antecedentis Pervigilium. Iejunium necessarium, & carnis munditia. Loto manuum, & nitor vestium. Orationes recitanda à Sacerdote, dum sacris vestibus induitur. Panis & vini proxima præparatio.

**I.** Acerdos Missam auspicaturus primò se ipsum ad tantum opus disponit, ut sic purus mente & corpore: tum ea præparat quæ spectant ad sacrificium. Et animæ quidem puritatem comparat sacramentali confessione, si aliquis culpæ sibi conficius sit. Id enim Apostolus

præcepit dicens: Probet autem se ipsum homo, & sic de pane illo edat, & de calice bibat: qui enim manducat & bibit indignè, iudicium sibi manducat & bibit. Ecclesiastica autem consuetudo, sicut Patres Concilii Tridentini docent *ſeff. 23. cap. 7.* declarat eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa sacramentali confessione ad sacram Eucharistiam accedere debeat. Ideo Chrysostomus initio suæ Liturgiæ ait: Sacerdos divinum mysterium peracturus, ante omnia confiteri, & cum omnibus reconciliatum se habere debet. Et in Liturgia Basiliæ exclamat Pontifex. *Sancta Sanctis:* cuius formulæ idem quoque Chrysostomus meminit *homil. 61. ad pop. Antioch.* & *homil. 17. in epist. ad Hebreos.* In Antiquo Missali Romanæ Ecclesiæ monetur Sacerdos celebraturus, conscientiam suam per puram confessionem optimè præparare. Atque ut antiquius testimonium proferam, hoc ipsum Cyprianus apertissimè docet lib. de Lapsis, ostendens quām sit perniciosum ad Eucharistiam accedere, & corpori Domini

Qqq

Domini ac sanguini vim inferre ante expiata delicta , ante criminis exomologesim , ante purgatam conscientiam . Tum post narrata quædam exempla divinæ vindictæ adversus indignè communicantes , eos laudat , qui nullo crimine idolatriæ maculati , vel ob solas de illo cogitationes confitebantur . „ Quanto , inquit , & fide majores , „ & timore meliores sunt , qui quamvis nullo sa- „ crificii aut libelli facinore confricti , quoniam „ tamen de hoc vel cogitaverunt ; hoc ipsum apud „ Sacerdotes Dei , dolentes & simpliciter confi- „ tentes , exomologesin conscientia faciunt , ani- „ mi sui pondus exponunt , salutarem medelam „ parvis licet & modicis vulneribus exquirunt . Quae verba de secreta & auriculari confessione in- telligenda esse quis dubitet , publicam enim de cogitationibus , deque modicis peccatis Ecclesia numquam admisit . Quod etsi parergo , nolui hoc loco tacitus præterire propter Eterodoxos , qui privatam pœnitentiam ex publica sumptuose ori- ginem contendunt , cum potius publicæ delictorum pœnitentie privata confessio semper adnexa fuerit ; quod fusiū probare ad propositum mihi argumentum non spectat . Tertullianus lib . de Ba- ptismo cap . 20 . „ Nobis , ait , gratulandum est , „ si non publicè confitemur iniquitates aut turpi- „ tudines nostras . Et de Pœnitentia cap . 10 . Ple- „ rosque hoc opus , id est confessionem , ut publica- „ tionem sui aut suffugere , aut de die iā dies dif- „ ferre præsumo , pudoris magis memores quam „ salutis : veluti illi , qui in partibus verecundio- „ ribus corporis contracta vexatione , conscienc- „ tiā medentium vitant , & ita cum erubescientia „ sua pereunt . Hac autem comparatione Patres antiqui & recentiores uti solent adversus illos , qui ob verecundiam turpia quædam & graviora cri- mina in arcano pœnitentiae tribunali , quod semper in Ecclesia fuit . Sacerdoti abscondunt , mo- mentaneam confusionem æternæ præferentes . Sed revertor ad Cyprianum , qui Confessionis ne- cessitatem ante communionem rursum exaggerat epist . 10 . clerum suum reprehendens , quod Lapsis aufus fuerit Eucharistiam dare . nondum pœnitentiā acta , nondum exomologes facta , nondum manu eis ab Episcopo , & clero imposta . Quod licet de re- conciliatione cum Ecclesia , & absoluzione à poe- mis intelligatur , hæc tamen sacramentalē con- fessionem adjunctam habebat . Si autem Sacerdoti rem divinam factuō nihil confessione expiandum occurrat , ejus tamen sententiæ memissæ debet , quam per os Sapientis protulit Spiritus sanctus , de propitiatio peccato noli esse sine metu ; quia nimi-

rum de obtenta peccatorum remissione nemo in hac vita securus est . Ideo antiqui Sacerdotes suam semper infirmitatem suspectam habentes , huma- nique cordis pravos & profundissimos recessus formidantes , in quibus sœpè latent minuta & oc- culta peccata , scientes quoque multa non adver- tentibus irreperere , multa è memoria excidere , cum timore & tremore in opera pœnitentia in- cumbebant , & sacrī operatū prolixis preca- tionibus , quas Apologes vocabant , ad ostium divinæ misericordiæ pulsabant , ut ab omni ma- culâ expurgarentur . Plures hujusmodi Apologæ extant in priscis Sacramentorum libris , quarum præcipua apud Menardum legi possunt pag . 242 . & infra in Appendice . Dicuntur autem Apolo- gæ , quia in his Sacerdos excusat & purgat se , quod peccator & indignus ad sacra mysteria ac- cedere præsumat . Observat Menardus , eas olim legi consuevisse ante offertorium , cum peracta Missa Catechumenorum incipiebat Missa Fidelium ; sed in ea quam edidit Illyricus , & in Codice Chisio de quo Lib . I . Cap . XII . actum est , ple- ræque dicuntur ante Introitum , & dum Gloria in excelsis , & Graduale cantantur . Unam hic transcribo , ex antiquissimo Missali Serenissimæ Reginæ Sueciæ , quod vetus Gallicanum esse ante tempora Pipini supra indicavi .

#### *Apologia Sacerdotis.*

**A** Nte tuae immensitatis conspectum , & ante tuae ineffabilitatis oculos , ô Majestas mirabilis , scilicet ante sanctos vultus tuos , magne Deus & maxima pietatis ac potestatis omnipotens Pater , quamlibet non sine debita reverentia , attamen nulla officii dignitate , vilis admodum peccator accedo , & reus conscientiæ testis adsto . Accuso me tibi , & non excuso : & coram testibus confiteor injustitiam meam tibi Domino Deo meo . Confiteor inquam , confiteor sub testi- bus injustitiam impietatis meæ , ut remittas im- pietatem peccati mei . Confiteor quod nisi remi- tas , recte me punias . Habes me confitentem reum ; sed scio , non nisi verbis emendantem . Verbis enim placo , operibus offendendo . Culpam sentio , emendationem differo . Subveni ergo , subveni pietas ineffabilis . Ignosce , ignosce mihi Trinitas mirabilis . Parce , parce , parce supplico , Deitas placabilis . Exaudi , exaudi , exaudi me rogo his verbis illius Filii tui clamantem , Pater æterne Deus , peccavi in celum & coram te : jam non sum dignus vocari filius tuus , fac me ut unum de mer- cenariis tuis . Et nunc Pater misericors unicum miseri-

misericordiae tuae portum Christo favente peto, ut, quod per me vilescit, per illum acceptum ferre digneris. Qui vivis & regnas in saecula saeculorum. Amen.

II. Praeter Apologias erant aliae orationes praeparatoria, quas Georgius Pachymeres mox citandus *proteleficas* vocat, quod ante Teleten seu sacrificium dicerentur. Hujusmodi est celeberrima illa S. Ambrosii à celebri scriptore contra fidem veterum Codicum Anselmo Cantuariensi adscripta quæ incipit, *Summe Sacerdos, & vere Pontifex.* In Missa veteri ex codice Ratoldi Abbatis apud Menardum pag. 259. hæc initio leguntur. *Antequam Episcopus Missam celebret, ingrediatur quodam oratorium, & secundum cordis compunctionem se ipsum libamine orationis Deo offerat.* Tum mandat dici hanc orationem, quam præsca Monachorum Ritualia recitari in ingressu Ecclesiæ præcipiant post diei Dominicæ processionem. „Via Sanctorum omnium Iesu Christe, qui ad te venientibus claritatis gaudium contulisti, introitum templi istius Spiritus sancti luce perfunde, qui locum istum Sanctorum tuorum Martyrum nomine vel sanguine consecrasti: præsta quæsumus omnipotens Deus, ut omnes isti in te credentes obtineant veniam pro delictis; ab omnibus liberentur augstiis, impetrant quicquid petierint pro necessitatibus suis, placere semper prævaleant coram oculis tuis, quatenus per te & per S. Petrum militem tuum muniti, mereamur aulam Paradisi introire. Amen.

Preces vero praeparatoria, easque prolixas semper in usu fuisse, crebris Sanctorum exemplis docemur, qui tamdiu in oratione perseverabant, donec gratia Spiritus sancti mirabiliter imbuti, ejus virtute & impulsu ad celebrandum excitarentur. De summa enim puritate, quæ ad tantum ministerium requiritur, longè aliter ac nos sentiebant. Narrat Dionysius epist. 8. ad Demophilum, sanctum Carpum virum ob mentis puritatem ad Dei contemplationem aptissimum nunquam facros mysteriorum ritus auspiciatum fuisse, nisi prius ipsi inter praeparatoria orationes sacra quedam & propria visio apparueret. Idem refert Joannes Moschus in Prato spirituali c. 27. de quodam presbytero, qui post nocturnos hymnos sedens proprie sanctum altare Missarum solemnia non incipiebat, quoisque vidisset Spiritum sanctum altare obumbrantem. Sic eodem referente cap. 150. quidam Episcopus coram S. Agapeto Pontifice celebrans tempore oblationis diu persistit non concludens orationem, quia jux-

ta consuetudinem Spiritus sancti descensum non vidit. Et hic quidem quorumdam Sanctorum mos fuit, omnibus autem Sacerdotibus indiscriminatum. S. Bonaventura lib. de præpar. ad Missam cap. 5. sic loquitur. „Proba te ipsum ex quanta charitate, & quali fervore accedis. Non solum enim mortalia vitanda sunt, sed etiam venialia peccata per negligētiā & otium multuplicata, & etiam per inconsiderationem ac per distractionem dissoluta vitae & malæ confunditinis, licet non occidant animam, tamen redunt hominem tepidum, gravem, & obnubilatum, & indispositum & ineptum ad celebrandum, nisi dicti pulveres & stipulæ yenialium per afflatum spiritus & flamman charitatis venientur & consumantur ex ardente igne coram, & ex consideratione propriæ vilitatis. Ursus quoque quorumdam psalmorum ante Missam antiquus est. Vetus Missa ab Illyrico edita antequam Sacerdos sacris vestibus induatur, dicitur, si tempus permiserit, flexis genibus coram altari septem Psalmos pœnitentiales cum Litania & aliis prolixis precibus, post quas sequuntur alii septem psalmi, nempe *Quam dilecta. Benedixisti. Inclina Domine. Fundamenta ejus. Domine Deus salutis meae. Credidi propter quod. Memento Domine David.* Codex Chisius tres tantum psalmos à Sacerdote sacris vestibus induito cum circumstantibus clericis dicendos præscribit, videlicet *Quam dilecta. Benedixisti. Inclina Domine.* Idem præscribuntur in codice Tiliiano apud Menardum pag. 266. Missale Hispalense editum anno 1534 jubet dici septem Psalmos pœnitentiales, vel *Quam dilecta*, cum reliquis, qui hodie notantur in Missali Romano, & leguntur in plerique Missalibus M. SS. Bibliothecæ Vaticanæ. Micrologus cap. 1. *Presbyter, cum se parat ad Missam, iuxta Romanam consuetudinem decantat hos psalmos; Quam dilecta. Benedixisti. Inclina Domine. Credidi, Deinde Kyrie eleison. Pater noster, cum precibus, & oratione pro peccatis. Quidam præmittunt hymnum Veni creator Spiritus.* Ceterum de his psalmis nec Ordo Romanus in prima, tertia, & quarta descriptione Missæ, nec Amalarius, nec Alcuinus loquuntur, ex quorum silentio coniicio, circa ann. Domini 900. ante Missas solemnes recitari coepisse. Psalms autem pœnitentiales cum Litania idem Ordo Romanus in secunda descriptione Missæ commemorat dicens: *Duo Presbyteri cum septem diaconis coram Episcopo stantes ministrant ei, cantantes cum ille septem psalmos pœnitentiales cum Litania.*

Q q q 2 III. Spectat

III. Spectat etiam ad animæ puritatem comparandam, ut Sacerdos, quantum est in se, pacem cum omnibus habeat, nec ulla sit ei querela adversus aliquem. Ita Chrysostomus initio sue Liturgiæ & Pontificale Graecorum in principio ordinis Liturgiæ Patriarchalis. Hoc autem Domini præceptum est: *Si offeres munus tuum ad altare, & ibi recordatus fueris, quia frater tuus habet aliquid adversum te, relinque ibi munus tuum ante altare, & vade prius reconciliari fratri tuo; & tunc veniens offeres munus tuum.* Ita Matthæi c. 5. Cum enim sacrificium symbolum pacis sit, & mutua unionis professio ac protestatio, necessaria prorsus est ante sacram synaxim cum fratribus reconciliatio, ne sacramentum unionis & pacis sine pace & unione recipientes, mendaces coram eo inveniamur, qui est Deus pacis & dilectionis. Præclarè Tertullianus lib. de Oratione c. 10. „*Memo*ria præceptorum viam orationibus sternit ad cœlum, quorum præcipuum est, ne prius ascendumus ad Dei altare, quām si quid discordiæ vel offensæ cum fratribus contraxerimus, resolvamus. Quid est enim ad pacem Dei recedere sine pace? ad remissionem debitorum cum retentione? Quomodo placabit patrem iratus in fratrem? Habemus de hac re veterem formulam lib. 2. const. Apostol. qua diaconus clamabat, *ne quis contra aliquem, ne quis in simulatione.* Sequitur apud Chrysostomum loc. cit. expurgatio cordis à pravis cogitationibus, ut nimur, sicut ait Augustinus tract. 26. in Joannem, *Innocentiam apportemus ad altare.* Scribit Dionysius c. 3. eccl. hierarch. à divina sacrificii excelsitate olim submotos non eos dumtaxat, qui à christianæ vita sanctitate desceiverant, sed & eos qui à deteriore quidem vita recesserant, nondum vero animos à pristinæ impuritatibus phantasius expurgaverant. Ideò his demum tam augusta patere mysteria, qui ad divini ac deifici habitus immobilitatem, vimque actuofam pervenere, qui soli Deo unicè adhærent, quique omnino irreprehensibilis sint atque immaculati. Suffragatur Chrysostomus hom. 17. in ep. ad Heb. „*Vox illa, ait, in nostras aures incurrens, alios quidem repellit & ejicit, alios autem introducit & sustinet.* Nam quando dicit SANCTA SANCTIS, hoc dicit: si quis non Sanctus, non accedat. Non solum inquit à peccatis purus, sed etiam Sanctus, Sanctum enim non facit solum liberatio à peccatis, sed etiam præsentia spiritus & bonorum operum abundantia. Non solum, inquit, volo vos à cœno esse liberatos, sed albos esse & speciosos.

IV. Olim quoque in usu erat apud Graecos totius noctis antecedentis pervigilium, cum postera die sacram mysterium celebrandum foret, quod non solum à Sacerdotibus, sed etiam à populo servabatur. Testatur Socrates lib. 2. hist. ecel. cap. 8. ubi referens Athanasii fugam ait, *vesperæ quidem erat, populus autem per totam noctem vigilabat, quia synaxis futura erat.* Et Georgius Pachymeres à Petro Poslino magno rei literariorum bono novilli. mè editus, ex cod. M. S. Bibliotheca Barberinæ lib. 1. hist. Michaelis Palæologi cap. 11. A vespera, inquit, nocturnæ dicantat & sunt preci, postera quippe die sacram facere Praeful decreverat. Nec aliena fuit ab hoc instituto Romana Ecclesia, nusquam enim legimus vel in Ordine Romano, vel in libris Sacramentorum Missarum solemnia peracta fuisse, nisi prius in Ecclesia vigilæ nocturnæ cum laudibus persolutæ essent. Quem ritum etiam nunc servandum esse docent Regule Missali Romano præfixæ, quibus horam celebrandi determinant. Hæc de animæ dispositionibus. Ad corpus pertinent jejunium & munditia. De jejunio, quod celebrans servare debet à media nocte antecedente, dictum est supra Cap. XXI. Lib. I. Munditia est duplex, in ipso corpore & in vestimentis. Prima in castitate consistit, quæ quantoperè sit necessaria Sacerdoti, paucim docent sancti Patres, & alii doctissimi scriptores, qui de sacrorum hominum continentia integros tractatus ediderunt. An vero nocturna illusio sine culpa eveniens sequentis diei celebrationem impedit, quæstio anceps est, in cuius solutione dissident ab antiquis recentiores, sed nec illi quidem inter se convenient. Augustinus serm. 244. de Temp. Post pollutionem, inquit, *qua nobis nolentibus fieri solet, nobis communicare non licet;* nisi prius præcedat compunctione & elemosyna, & si infirmitas non prohibet, etiam jejunium. Simili rigore utuntur veteres libri Penitentiales. Antiqua vero Cisterciensium & aliorum Monachorum statuta eâ forde feedatos, non solum à celebratione, sed ab omni quoque altaris ministerio arcebant. Alii arbitrio Patris spiritualis, vel propriæ cuiusque conscientiæ dictamin rem decernendam dimisstrunt. Mihi regula servanda videtur à Gregorio Magno præscripta lib. 12. epist. 31. in responsione ad xi. interrogationem Augustini Episcopi Anglorum, quam Gratianus Decreto inseruit distinct. 6. cap. 1. ut nimur quisq; consideret ex qua radice inquinatio illa processerit. Longior illa est, quam ut debet hic tota transcribi, & utilius legi poterit apud Grego-

Gregorium. Facit etiam ad hoc argumentum collatio XXII. Caffiani de nocturnis illusionibus, quae est secunda Abbatis Theonae.

V. Accedit lotio manuum, quam ex quadam naturae instinctu ipsimet ethnici sacrificio præmittebant; nec manuum dumtaxat, sed etiam totius corporis. Id de Græcis & Ægyptiis testatur Herodotus in Euterpe. De Romanis Persius Satyra 2.

*Hac sancte ut poscas, Tiberino in gurgite mergis  
Mane caput bis terque, & noctem flumine purgas.  
Et Tibullus lib. 2. eleg. 1.  
Castra placent superis, pura cum veste venite,  
Et manibus puris sumite fontis aquam.*

Euclio item apud Plautum in Aulularia act. 4. sc. 2. *Nunc lavabo ut rem divinam faciam.* Est & illud Hesiodi, *Illotis manibus sacra tractare est nefas.* Eadem religio Hebræis fuit, legimus enim cap. 30. Exodi positum in templo labrum æneum cum aqua, ut, quando sacerdotes ingressuti erant tabernaculum testimonii, & accessuri ad altare, manus antea lavarent. Simile vas ad eumdem finem, sed multò capacius in ingressu templi posuit Salomon, quod *Mare æneum* nuncupavit. Hinc probabile est, hunc ipsum morem ad Christianos fluxisse, ut canthari & lutheres aqua pleni, vel etiam fontes ante fores templorum collocarentur, ut supra indicavi Cap. XX. Lib. I. quatenus sacrificia vel preces oblaturi puras ad Deum manus levarent, sicut Apostolus scriptit 1. ad Timoth. c. 3. & externa lotione internæ puritatis admonerentur. Quæratio est, ait Tertullianus lib. de orat. cap. 11. *manibus quidem abluit, spiritu vero sordente orationem obire.* Et Chrysostomus hom. 61. ad pop. Antioch. „Dic mihi, immundisne manibus ad sacrificium eligeres accedere? Non ut ipse puto; sed nec omnino malles accedere, quam manibus illotis. Ita in parvo quidem es tam reverens, sorridam autem habens animam accedis, & audes tangere. Eodem spiritu Anafasius Synaita orat, de sacra synaxi adversus eos declamat, qui lotis quidem manibus, sed polluta conscientia corpus Domini suscipiunt. Dorotheus denique serm. 9. narrans cujusdam Monachi suspicionem, qui putabat se summo mane vidisse fratrem manducantem, ait: *Vidit ipsum manus abluentem, ut ad communionem accederet.* Ex veteri igitur Ecclesie instituto Sacerdos lavat manus ante sacram, Deum interim exorans, ut, sicut ex-

terius abluuntur manuum inquinamenta, sic ab eo mundentur interius fordes mentis: est enim corporis munditia interioris innocentiae professo. Qua de causa non solum à corpore, sed etiam à vestimentis omnis immunditia abesse debet: idque summoperè curabant prisci ævi Fideles ad Eucharistiam accessuri. Anafasius in prædictata oratione de sacra synaxi, „Multi qui dem non laborant, qua puritate & poenitentia ad sacram mensam adeant; sed quibus vestimentis exornentur. Idem docet Chrysostomus hom. 52. in Matthæum, „In nonnullis Ecclesiis hunc morem corroboratum videmus, ut diligenter multi studeant, quo modo manibus locis, mundis induiti vestimentis in Ecclesiam ingrediantur & quomodo autem animam atque mentem suam puram offerant Deo, nullam prouersus habent curam. Luculentius autem orat de S. Philogonio, „Hortor vos, inquit, ne negligenter ad divina mysteria accedatis. Absurdum enim est, tantam habere curam corporalium, ut appetente festo multis ante diebus vestem è scrinio depromptam diligenter apparreas, omnibusque modis temetipsum ornas, oitimumque reddas: animæ vero neglectæ, forsan, dentis, squalidae nullum habere respectum. Neq; damnat Chrysostomus corporis & vestium munditiam, sed animæ cultum præferendum docet: nam & ipse moriturus priusquam communionem acciperet, exstus prioribus vestimentis candida & nitentia sumpsit, ut Palladius scribit in ejus vita. Hebraeos quoque templum ingressuros mundis se vestibus induisse doctissimus inter illos Philo testatur, qui lib. de Cherubim eos similiter reprehendit, qui dabant operam, ut candidis, & diligenter emaculatis vestibus amicti templum subirent: mentem vero maculosam in ipsa penitissima sacraria inferre non verebantr.

VI. Vestibus autem communibus superaddit Sacerdos sacrata vestimenta eo ordine quo supra Lib. I. Cap. XXIV. quo de illis disservi, recensita sunt, nisi quod quædam Ecclesie, ut Ambrosiana & Lugdunensis, amictum sumunt post albam. Ad singula vero certas preces in Missali descriptas recitat, quæ in diversis Ecclesiis diversæ sunt, verbis non sensu. Earum nec Ordo Romanus, nec Amalarius, nec alii ejusdem saeculi Scriptores mentionem faciunt. Desunt quoque in antiquioribus Missilibus M. SS. & in libro Sacramentorum S. Gregorii. Ex quo suspicor ante annum 900. non fuisse saltem ubique in usu. Extant autem apud Menardum in veteri Qqq 3 Milla

Missa ex codice Ratoldi Abbatis Corbeiensis, qui obiit ann. 986. sed versibus conceptæ, ministro ad singulas vestes petente ab Episcopo, ut eas benedicat. Minister, inquit, ministret superhumeralē & dicat, Jube benedicere, respondet Episcopus.

*Virtus summa Deus, cunctorum rex opimus,  
Tu benedic nostrum, quo nunc ornamur, amictum,  
Ut servire tibi valeamus cor de pudico.*

Postea ministret ei albam, & dicat ut supra. Respondet Episcopus.

*Vestibus Angelicis induit, rex pietatis,  
Possimus libare pri libamen odoris.  
Clemens & prava purges contagia mentis,  
Ac cessu delenda mala contagia mentis.*

Et sic de reliquis, ritu videlicet Graecorum, qui, ut constat ex Liturgia Chrysostomi, antequam sumant sacra indumenta, ea semper benedicunt. In alia Missa ex Codice Tiliano scripto anno 1032. extant ad singulas vestes breves orationes apud eumdem Menardum. Ad amictum, „Obumbram“  
 „Domine caput meum umbraculo sancte fidei ;  
 „& expelle a me nubila ignorantiae. Ad albam ,  
 „Indue me Domine vestimento salutis , & cir-  
 „cumda me lorica fortitudinis. Ad Zonam, Do-  
 „mine accinge in me custodiam mentis meae, nec  
 „ipsa mens inflectatur spiritu elationis. Ad Sto-  
 „lam, Stola justitiae circumda Domine cervi-  
 „cem meam , & ab omni corruptione peccati  
 „purifica mentem meam. Ad Casulam, Indue  
 „me Domine ornamento charitatis & pacis , ut  
 „undique munitus virtutibus , possim resistere  
 „vitiis , & hostibus mentis & corporis. Ad Ma-  
 „nipulum, Da mihi Domine sensum rectum &  
 „vocem puram, ut implere possim laudem tuam. Auctor Micrologi, quem Pamelius vixisse putat tempore Gregorii VII. de preparatione ad Missam ita scribit cap. 23. Presbyter cum se parat ad Missam, in primis cantat psalmos, Quam dilecta, Benedixisti, Inclina, Credidi. Deinde Kyrie eleison, Pater noster. Verf. Ego dixi Domine : Convertere Domine : Fiat misericordia : Sacerdotes : Protectio noster: Domine exaudi. Oratio. Aufer a nobis Domine iniurias nostras & peccata nostra, ut mereamur puris mentibus ad sancta sanctorum introire. Alia. Actiones nostras. Paratus autem venit ad altare. Nec alias commemorat orationes. In Missa Illyrici sunt speciales precatio[n]es ad singulas vestes, quae infra legi possunt in Appendice. In alia Missa ex Codice Chi-

sio sunt ipsa[met], quae supra scriptae sunt ex Codice Tiliano. In Missali Romano impresso Venetiis anno 1534. praemittitur ordo celebrationis Missæ scorsim etiam excusus per D. Joannem Burchardum Argentinum, Decretorum Doctorem & Magistrum ceremoniarum D. Papæ, qui ait orationes, dum induitur Sacerdos, non ex præcepto, sed ex devotione dici & posse iis dimissis recitari Psalmum Miserere, aut aliud convenienter. An vero hodie haec sententia tuta sit, scholasticis discutiendum relinquo.

VII. Sic induitus Sacerdos, & omni ornatus Missatica paratura, ut auctor vita S. Udalrici Episcopi Augustani loquitur, panem & vinum ad usum sacrificii præparat; quod à Latinis in Sacrario, à Graecis in Prothesi fit. Et Latini quidem nulla ceremonia in pane præparando utuntur, nisi quod hostiam patene superponunt & præparant ante Missam. Vinum vero infundunt calici & aqua misericordia in altari, post panis oblationem eo ritu, qui infra suo loco explicabitur. At Graeci majori apparatu hoc ipsum præstant in minori altari ad levam majoris posito, in quo dona sacramenta primò proponuntur, & primam quodammodo sanctificationem precibus Sacerdotis accipiunt. De qua re cum in concilio Florentino Graeci à Latinis interrogati fuissent, illorum nomine Episcopos Mytilenensis legitimè ac canonice responderi fertur: & quamvis non sit scripta ejus responsio, credibile tamen est nihil aliud eum dixisse, quam quod S Germanus, & post eum Cabasilas, & alii Graecorum rituum explanatores scribunt, haec omnia quae fiunt in Prothesi ad præparationem pertinere, & ad ea referri, que paulò post in summo altari gerenda sunt. Graecus itaque Sacerdos sacerdotis vestibus induitus procedens ad prothesim seu mensam propositionis, lavat manus cum ministris dicens: Lavabo inter innocentes manus meas, & quæ sequuntur usque ad finem Psalmi. Tum Diaconus præparat discum sive patenam lanceam, nempe gladiolum ad instar lanceæ huic ministerio deputatum, & cum ea signum crucis facit super sigillum oblatæ. Est autem sigillum crucis effigies pani impressa. Post haec scindit ipsum sigillum in partes & ponit in disco, & attollit, adoleatque incensum, & Diaconus infundit vinum & aquam in calicem; multaque interim orationes recitantur, qui in Liturgia Chrysost. legi possunt. Imitantur vini & aquæ præparationem, antequam Missam

Missam inchoent quidam Latinorum, ut Carthagini, Prædicatores, & veteri ritu Cistercienses ac quidam alii. Statim enim ac pervenerunt ad altare, vinum calici infundunt, & aquam miscent, brevique oratione benedicunt. Plerique autem sanguinis & aquæ, quæ de latere Christi emanarunt, mysterium commemorant: quem ritum in Ecclesiis Gallicanis passim viguisse testatur Sausilius in Panoplia sacerdotali par. 1. lib. 8. c. 20. art. 5. Sed redeo ad Græcos. Observant illi hunc morem, ut facta majoris hostiae oblatione plures deinde particulas sigillatim offerant, quas meridas vocant: quia cum sacrificium plures fines & effectus habeat, iis significandis particulas multiplicant. Et primam quidem hostiam, ut debitum Deo cultum reddant, in memoriam Salvatoris nostri Iesu Christi offerunt. Secundam ad honorem gloriosæ Virginis Mariæ, ut Deus ipsius precibus sacrificium acceptare dignetur, sive ut gratias ei agant pro beneficis ipsi Virginis & nobis per ipsam collatis. Tertia est in honorem sancti Joannis Baptistæ, sanctorum Apostolorum, & aliorum quos nominant. Quarta pro salute viventium, quorum nomina recitant quotquot voluerint, ut eis Deus peccata dimittat, & omnia bona largiatur. Quinta pro defunctis, eorum item nominibus recitat. Quod si Sancti aliquibus solemnia ea die celebrantur, propriam illius venerationi particulam secernunt & offerunt. Possunt etiam pro quocumque voluerint, singillatim offerre. Similiter & reliqui Sacerdotes celebranti assistentes, & Diaconi, si velint, tollunt particulas pro iis quoque nominatim, qui sibi commendati sunt. Nec Diaconi propterea censendi sunt officium sibi non debitum sacrilegè usurpare, ut credit Arcadius lib. 3. de Sacram. c. 13. non enim de hac oblatione loquuntur canones ab eo citati; sed de alia quæ sit in altari & ad solos Sacerdotes pertinet. In hac verò, quæ illi prævia est, & à consecratione longius remota, nihil aliud facit Diaconus, nisi quod particulas scindit, & in disco reponit à Sacerdote postea consecrandas. His peractis thus adoletur, tum ipsis donis, tum velaminibus, & prothesi, ac toti sacrario, & aliquot orationibus, psalmoque quinquagesimo recitatis finis imponitur primæ parti Liturgiæ, quæ est preparatio donorum, & primum offertorium. Porro particulas illas simul cum majori hostia à Sacerdote consecrari certissimum est, quicquid in contrarium afferant quidam Græci recentiores hoc perperam negantes. Primus autem hujus erroris disseminator fuit Si-

meon Thessalonicensis, quem Arcadius egregie confutat lib. cit. à cap. 10. usque ad 18.

## CAPUT. II.

*Sacerdotis ad altare duplex processio. De ritu Confessionis ante Missam, præmisso psalmo Judica me Deus. Confessio generalis omnium gentium more probatur. Varie ejus formulae. Sanctorum post eam commemoratione cum osculo Altaris.*

I. **S**acerdotis ad offerendum sacrificium eundem duplex est processio: una è propriis ædibus ad Ecclesiam, altera in ipsa Ecclesia à Sacraario ad Altare. Et prima quidem, si de Episcopo sermo sit, fieri solebat cum ingenti pompa & apparatu. Crux enim & luminaria praebant, ut Nicephorus lib. 13. cap. 8. & Marcus Diaconus in vita S. Porphyrii Episcopi scribunt. Sequebatur Clericorum, & Presbyterorum ingens comitatus, cuius antiquissimum testimonium habemus in Concilio Laodiceno c. 56. *Quod non oporteat presbyteros ante processionem Episcopi introire sacraarium & sedere, sed cum Episcopo debent ingredi.* Magnum Basilium videt Ephrenus Syrus procedentem in Ecclesiam in die sancto Theophaniæ & circa eum venerandum clerum candidatum & oblequentem ei, ut auctor virte ejus asseverat. Ambrosius gestus indecoros reprehendens lib. 1. de officiis cap. 18. ait se iussisse, ne quidam Clericus unquam pæreter sibi, quia velut quodam insolentis incessus verbere oculos suos feriebat. Hinc procedere aquod Antiquos nihil aliud est, quam in Ecclesiam ad synaxim celebrandam convenire. Augustinus lib. 22. de Civit. Dei cap. 8. *sedebam jam processurus*, nempe in Ecclesiam ad sacrificium offerendum. Leo Magnus epist. 81. ad Dioscorum Alexandrinum, *qui nostris processibus atque ordinationibus frequenter interfuit.* Diurnus Pontificum cap. 45. de dedicando Ora- torio intra Monasterium, *sic tamen ut non illic publica processio teneatur*, id est, publica Missa, quæ, ut alibi observavimus, in Monasteriis verita erat. Altera processio ad altare, sive Episcopus celebret sive Presbyter, antiquo more qui adhuc vigeret, solemniter fieri solet. Utramque sic describit Ordo Romanus.

„ Denuntiata Statione diebus festis primo manu, ne præcedit omnis Clerus Pontificem ad Ecclesiam,